

সারাদেশ

বাড়ি ফেরার পথে অপহরণের শিকার ডুয়েট শিক্ষার্থী, মুক্তিপণ দিয়ে উদ্ধার

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ঢাকা প্রকৌশল ও প্রযুক্তি বিশ্ববিদ্যালয়ের (ডুয়েট) স্থাপত্য বিভাগের তৃতীয় বর্ষের শিক্ষার্থী আরিফুল হক নাহিদ বাড়ি ফেরার পথে অপহরণের শিকার হয়েছেন। অপহরণকারীরা তাঁর দুটি মোবাইল ফোন, একটি ল্যাপটপ ও নগদ অর্থ ছিনিয়ে নেওয়ার পাশাপাশি পরিবারের কাছ থেকে মুক্তিপণ আদায় করে তাঁকে ছেড়ে দেয়।

পরিবার ও অভিযোগ সূত্রে জানা গেছে, গত বৃহস্পতিবার বিকেল সাড়ে ৫টার দিকে গাজীপুরে ডুয়েট ক্যাম্পাস থেকে ব্রাহ্মণবাড়িয়ার উদ্দেশে রওনা দেন নাহিদ। পথে নরসিংদীর শিবপুর এলাকায় তিনি অপহরণের শিকার হন। অপহরণকারীরা তাঁর সঙ্গে থাকা দুটি মোবাইল ফোন, যার একটি আইফোন, একটি ল্যাপটপ ও নগদ অর্থ ছিনিয়ে নেয়। এ সময় তাঁকে শারীরিকভাবে নির্যাতনও করা হয়।

এ ঘটনায় ২৩ জুলাই রাতে নাহিদের বড় ভাই বাদী হয়ে নরসিংদীর শিবপুর থানায় লিখিত অভিযোগ দায়ের করেন।

অভিযোগে বলা হয়েছে, অপহরণের পর দুর্বৃত্তরা পরিবারের সদস্যদের সঙ্গে যোগাযোগ করে তিন লাখ টাকা মুক্তিপণ দাবি করে। পরে দর-কষাকষির একপর্যায়ে বিকাশ ও নগদের মাধ্যমে এক লাখ ২০ হাজার টাকা পাঠানো হলে সেদিন রাত সাড়ে ৯টার দিকে নাহিদকে ছেড়ে

দেওয়া হয়।

বর্তমানে তিনি ব্রাহ্মণবাড়িয়া সদর হাসপাতালে প্রাথমিক চিকিৎসা নিয়ে বাড়িতে বিশ্রামে রয়েছেন। পরিবারের সদস্যরা জানিয়েছেন, নির্যাতনের কারণে তাঁর সারা শরীরে ব্যথা রয়েছে। চিকিৎসকের পরামর্শে তিনি বিশ্রাম নিচ্ছেন।

আরিফুল হক নাহিদ ব্রাহ্মণবাড়িয়া থেকে প্রকাশিত দৈনিক আজকের হালচাল পত্রিকার প্রতিষ্ঠাতা প্রয়াত আবেদুল হক আবেদের দ্বিতীয় সন্তান।

ঘটনাটি জানাজানি হওয়ার পর ডুয়েটের শিক্ষার্থীদের মধ্যে উদ্বেগ দেখা দিয়েছে। তারা দ্রুত ঘটনার সুষ্ঠু তদন্ত করে জড়িতদের শনাক্ত ও আইনের আওতায় আনার দাবি জানিয়েছেন।

এ বিষয়ে জানতে চাইলে নরসিংদীর শিবপুর থানার ভারপ্রাপ্ত কর্মকর্তা (ওসি) বলেন, "এ ঘটনায় একটি লিখিত অভিযোগ পেয়েছি। বিষয়টি গুরুত্বসহকারে তদন্ত করা হচ্ছে এবং জড়িতদের শনাক্তে পুলিশের একাধিক দল কাজ করছে।"

এ বিভাগের আরও খবর



আন্তর্গঞ্জে রুমিন ফারহানাকে অবাস্তব ঘোষণা, বিএনপির ঝাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তর্গঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের ধাক্কায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভাঙে গিয়ে হারিয়ে যায় পিলাবের সঙ্গে ধাক্কা লেগে নিখোঁজ ঝিনাইদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/bari-ferar-pthe-ophrner-shikar-duyet-shiksharhi-muktipn-diye-uddhar>